villa; li fo neccessario andar im persona li, dove si congregò tuti, e operò, adeo li sedò, e deveneno mandar 8 per parte a Spalato, con li qual esso conte harà a tratar, e ogni sua voluntà si contentavano. Item, à inteso esser tornati di Turchia quelli andono dal sanzacho, maxime uno nominato Mariano; aspeta di ziò ordine, conseia si fazi secrete, per esser dito Mariano di auctorità, et ha favori assai im Po-563* liza. Item, si habi a cura dil bastion di Narenta, e si ordeni ivi habi a star zorni 8 in XI una galia sotil. di quelle va o vien di armada; e si comandi al retor di Liesna, a ogni richiesta di quel castelan, li mandi socorsso. Esso conte li à scrito; li à risposto, il cargo è dil conte di Spalato, nè à altro ordine nostro, cha mandarli 25 lavoradori per una volta. Item, ha visto 3 forteze su quel contado, Visichio, Starigrado e Almissa; per un' altra darà noticia dil tuto; tocha dil provedador si ha a far in Dalmatia; provederà a Poliza; tamen dice, ne li lochi è stato aversi portà ben, et maxime a Riva la Signoria di lui fo ben servita. Provedadori se vol mandar ai logi dove i bisogna. Item, senza danari di la Signoria, in un mexe è lì, à fato far 3 o ver 4 reduti e forteze, che presto sarà fornite, che asecurerà quelli poveri non siano depredati.

Da Trai, di ultimo zener. Manda una letera, abuta in lingua schiava dal vice conte di Clissa. Lo avisa, il sanzacho novo dia vegnir a' danni de quelli contadi, con gran exercito; et cussì, traduta dita letera, la manda. Item, quella cità è nuda di artilarie e polvere, e cussì li castelli noviter fabrichati; perhò si provedi. Item, la letera è soto scrita: Piero Lechovich e Thomaso, vice conti di Clissa. La mansion dice: Al potente et savio signor conte dignissimo, conte et capetanio de Traù, come al signor et amigo de li nostri signori. Li avisa quanto ho scrito di sopra, e che 'l capo di l'exercito alozerà in li borgi di Traù, el resto di l'exercito corerà versso Clissa e versso Sernouch, e per le rive dil mar fin a Almissa e, de ritorno, asunandose insieme, anderano a li danni de li nostri castelli; et par dito sanzacho sia del tegnir fo dil ducha Charzego.

Da Cataro, di 29 ditto. Ricevete letere di 9 decembrio, zercha la trata di formenti etc. Risponde quanto fece etc. À 'uto da Trani solum cara 95, a stara 22 per caro, ch' è pocho a tanto populo; questa è stà provision senza danno di la Signoria, e con contento e abondantia a tuto questo populo. Avisò di quelli de Reiani, dove vien le pegole, come quelli de Oracovaz li ha tolti, e a la zorna' ne vien pegole. e spiera al marzo e april ne verà assai, per esser

alhora i tempi da farle; a hora per le neve le fanno con dificultà; à tenuto modo, si trazerà dil paexe di la Valona, contrabando et occulte assai, per via di uno raguseo, qual li ha dato segurtà presentarle li, e poi vegnir di longo a Venecia; e tuti li vicini hanno di gracia star bene con lui. Et quelli di Castel Nuovo voriano pratichar con lhoro. Li ha risposo, sarà contento, con questo li dagi, la terra e le forteze, e li aceterà per boni servitori, ita che sono rimasi groti, e non hanno più replicato altro. Dove era il suo cadi, che vol dir castelan, qual, perchè era nimicho nostro, à tenuto modo con demostration di haver con lui tratado, ita che el dito cadì è stà preso e messo in ferri; tien sarà mandato a la Porta, sì che si convien governarsi con demostration e astuzie, per non haver le forze al bisogno. Item, non ha più danari per armar la fusta e far altro; e quel colfo sta mal senza guardia, nè più li navilij potrano navegar. Item, à dato più di ducati 90 a li fanti di Sa- 564 bastian da Veniexia, altramente sariano fuziti in Turchia; non ha voluto vegni ambasadori de qui a dar stimoli; prega se li provedi etc.; aspeta li stratioti di Levante, perchè domino Zorzi Bocali, capo, solicita la licentia, juxta la promessa; qual è impossibile stagi per portarssi mal con domino Zorzi Ralì, et è homo di farne gran cavedal, per haver gran praticha e governo. Item, li fanti vechij e novi moreno da fame, e maxime Martinello di Lucha, governador di quelle fantarie. Item, di novo, par Feris beì habi fato certa adunatiom, e ha mandato il suo vayvoda in quelle bande, in uno loco nominato Lubotin; et, saputo questo per spie, spazò a Budoa, Pastrovichij e Antivari e altri lochi, stesseno preparati, li daria socorsso; e fece preparar 4 gripeti, e tienli cussì per il bisogno; et lui de li sta preparato etc. Item, ha 'uto, che il signor turcho fa fabrichar a Nicomedia galie numero 100, e in altri lochi, perchè la sua armata passata sono innavegabile, e per questa instate non farà armata, respeto che tute sue gente e paexe per questi do anni sono molto dissipati e angarizati; e tutti li soi timarati indebitati, sì che questo anno non farà exercito, ni da mar ni da terra, salvo se 'l non acadesse qualche defension contra ungari, per voler lassar questo anno ripossar la sua zente ; e questo à per bona via; tandem è bon etc.

Dil ditto, di 30. Come quella note per exploratori è avisato la adunation; i qual havea fento dar licentia a qualcheuno, per dimostrar de dissolversi: par si habino fato tragetar per un certo fiume, e reduti sopra Pastrovichij e Budua mia X, dubita vadino a Pastrovichij o ver in Antivari, a uno loco no-